

კატალოგი 2024

შპს
საზოგადოებრივი
კოლეჯი
ფანასკერტელი

მოდი
ისწავლე
დასაქმდი!



info@fanaskerteli.edu.ge

www.fanaskerteli.edu.ge

<https://www.facebook.com/fanaskerteli.edu.ge>

ხედვა

გავხდეთ ისეთი საგანმანათლებლო დაწესებულება, რომელიც საკუთარი ინფრასტრუქტურით, ინტელექტუალური და მატერიალური შესაძლებლობებით შეძლებს უზრუნველყოს საერთაშორისო სტანდარტების შესაბამისი კვალიფიკაციის კადრის მომზადებას შრომის ბაზრისთვის, რაც აისახება დასაქმების გაზრდილ მაჩვენებელზე 2025 წლისათვის.

ღირებულებები

- პატრიოტიზმი
- სამართლიანობა
- თანასწორობა
- ხარისხი
- სოციალური პასუხისმგებლობა
- გუნდურობა
- გამჭვირვალობა
- ინოვაციებისკენ სწრაფვა
- მუდმივი ზრუნვა თვითგანვითარებაზე



მისია

**დავძლიოთ გამოწვევები განვითარების გზაზე და
გავიმყაროთ წამყვანი პოზიცია, როგორც მდგრადმა,
ინოვაციურმა და განვითარებადმა
მრავალპროფილურმა საგანმანათლებლო
დანესებულებამ.**

**ასევე, უზრუნველყოთ
კონკურენტუნარიანი და კვალიფიციური კადრის
მომზადება შრომის ბაზრის მოთხოვნების
უზრუნველსაყოფად, ქალაქ თბილისსა და
კახეთის რეგიონში.**

**ჩვენ, როგორც ტრადიციული დანესებულება,
ვზრუნავთ განათლების მიღების თანაბარი
შესაძლებლობების უზრუნველყოფაზე, პიროვნული და
პროფესიული შესაძლებლობების განვითარებაზე,
მთელი სიცოცხლის განმავლობაში განათლების
მიღების ხელშეწყობასა და დასაქმებაზე.**

**კოლეჯის მისია ზუსტად პასუხობს მის განაცხადს –
„მოდით, ისწავლეთ, დასაქმდით“.**

ჩვენს შესახებ

1988 წელს პროფესორ გურამ ხაჭაპურიძის თაოსნობით გაიხსნა სამკურნალო-დიაგნოსტიკური დაწესებულება „ფანასკერტელი“. ეს იყო საქართველოში პირველი სამედიცინო დაწესებულება, რომელსაც დიდი ბაზა ფანასკერტელის სახელი ეწოდა.

1992 წელს პროფესორ გურამ ხაჭაპურიძის თაოსნობით დაარსდა ბაზა ფანასკერტელის სახელობის სამედიცინო კოლეჯი და მისი ფილიალები გაიხსნა საქართველოს თითქმის ყველა რაიონში. კოლეჯი დაფუძნების პირველივე დღიდან ემსახურება განათლებული და კვალიფიციური კადრის მომზადებას, ხოლო კურსდამთავრებულთა შორის გამორჩეულად ნიჭიერთათვის კი – დამსაქმებლების მოძიებას. სწორედ ამიტომ, ჩვენი კოლეჯის კურსდამთავრებულთა უმეტესობა დასაქმებულია საქართველოს წამყვან კლინიკებსა თუ სააფთიაქო ქსელებში.

დღეს-დღეობით შპს საზოგადოებრივი კოლეჯი ფანასკერტელი წარმოადგენს ავტორიზებულ მრავალპროფილურ პროფესიულ საგანმანათლებლო დაწესებულებას. კოლეჯი 30 წელზე მეტია აქტიურად მოღვაწეობს პროფესიული განათლების სივრცეში და სასწავლო პროცესს ახორციელებს ქ. თბილისში და ქ. თელავის განყოფილებაში. სასწავლო საქმიანობის სრულყოფილად წარმართვისათვის კოლეჯი უზრუნველყოფილია თანამედროვე ლაბორატორიებით, სასწავლო აუდიტორიებით, ბიბლიოთეკით, სახელმწიფოს მიერ 100%-ით დაფინანსებული პროფესიული საგანმანათლებლო და მოკლევადიანი სასერთიფიკატო პროგრამებით, მაღალი კვალიფიკაციის მქონე პროგრამის განმახორციელებელი პროფესიული განათლების მასწავლებლებით და ადმინისტრაციული პერსონალით. კოლეჯი ორიენტირებულია კვალიფიციური კადრის მომზადებასა და დასაქმების ხელშეწყობაზე.

კოლეჯი აქტიურად იღებს იმ გამოწვევებს, რომელიც შრომის ბაზრის მოთხოვნებთანაა დაკავშირებული, ამის დასტურია კურსდამთავრებულთა დასაქმების მაღალი მაჩვენებელი ჩვენი ქვეყნის სხვადასხვა წამყვან დაწესებულებებში.

დირექტორის მიმართვა

სათანადო განათლების მიღება მეტად მნიშვნელოვანი გადაწყვეტილებაა დღევანდელ დღეს, როდესაც შრომის ბაზარს სჭირდება კვალიფიციური კადრი, თქვენ საშუალება გეძლევათ ჩვენთან მიიღოთ ხარისხიანი პროფესიული განათლება



ჩვენ გთავაზობთ სწორედ იმ მოთხოვნად პროფესიულ საგანმანათლებლო პროგრამებს, რომლებიც დასაქმების საშუალებას იძლევიან ჩვენ საკუთარი ცოდნითა და გამოცდილებით შევქმენით ის გარემო, რომელიც დაგეხმარებათ საკუთარი თავის სრულად რეალიზებაში. ჩვენი ინფრასტრუქტურა, სასწავლო ლაბორატორიები, ადმინისტრაციული თუ აკადემიური პერსონალი უზრუნველყოფს თქვენს პიროვნულ თუ პროფესიულ წინსვლასა და განვითარებას

ჩვენი გუნდი მზადაა სწავლის მიღმა იზრუნოს იმაზე რომ საინტერესო სტუდენტური წლები გაატაროთ ჩვენთან თქვენ შესაძლებლობა გექნებათ მონაწილეობა მიიღოთ სხვადასხვა სპორტულ თუ კულტურულ ღონისძიებებში

მოხარული ვართ, რომ დაინტერესდით ჩვენი კოლეჯით. ჩვენ ვამაყობთ ჩვენი გუნდით და ვიმედოვნებთ, რომ თქვენი არჩევანიც სწორედ რომ ამ დიდ ფანასკერტელის ოჯახში გაწევრიანება იქნება

შეხვედრამდე

ნინო ბოკუჩავა

საერთაშორისო პარტნიორობა

მე-7 წელია კოლეჯი აქტიურად თანამშრომლობს გერმანულ კომპანია - Medicjobline“- თან, რომელიც გერმანიაში წარმოადგენს დასაქმების ხელშეწყობის ორგანიზაციას.

აღნიშნული ორგანიზაცია უზრუნველყოფს საქართველოში დიპლომირებული ექთნების გერმანიაში კვალიფიკაციის აღიარებას, დასაქმებისთვის შესაფერისი კლინიკების მოძიება/შეთავაზებას და სხვადასხვა საორგანიზაციო საკითხების მოგვარებას. გერმანიაში კვალიფიკაციის აღიარების მომენტში, თუ გამოვლინდა შესაბამისი საგნების ან საათების ნაკლებობა, მის ანაზღაურებას ჩვენი კოლეჯი ადგილზე უზრუნველყოფს თეორიული და პრაქტიკული სასწავლო კურსის განხორციელებით. ამის დასადასტურებლად კოლეჯი გასცემს სერტიფიკატს, რომელსაც აღიარებს გერმანული მხარე. სტუდენტები პარალელურ რეჟიმში ინტენსიურად ემზადებიან გერმანულ ენაში. აღნიშნული სწავლება ფინანსდება გერმანული მხარის მიერ. სწავლების დასრულების შემდეგ სტუდენტები გადიან გასაუბრებას დამსაქმებელი კლინიკების წარმომადგენლებთან, დებენ კონტრაქტებს და სამუშაო ვიზით მიემგზავრებიან გერმანიაში, კონტრაქტში მითითებული ვადით.

ბრენდირება

2016-2017 წლებში საქართველოში, კერძო კოლეჯების ასოციაციის ორგანიზებით განხორციელდა ბრენდირების პროცესი. პროცესში, აქტიურად ჩაერთო შპს საზოგადოებრივი კოლეჯი ფანასკერთელი. კოლეჯმა ბრენდირების ყველა კრიტერიუმი დააკმაყოფილა და მიიღო მაქსიმალური შეფასება. კოლეჯი ორივე წელს, 5 ვარსკვლავის მფლობელი გახდა .



სსსმ და შშმ პირებისთვის

სსსმ და შშმ პირების სწავლებისათვის კოლეჯი უზრუნველყოფს ინდივიდუალურად მორგებულ სასწავლო გარემოს. შეზღუდული შესაძლებლობების მქონე პირებს შეუძლიათ თავისუფლად გადაადგილდნენ ყველა აუდიტორიასა და კაბინეტში. მათთვის მოწყობილია პანდუსები და ხელმისაწვდომია კოლეჯის მიერ შეთავაზებული ყველა სახის სერვისი.

შეზღუდული შესაძლებლობისა და სპეციალური საგანმანათლებლო საჭიროების მქონე პირები პროფესიულ საგანმანათლებლო პროგრამაში ჩართულობის უზრუნველყოფის მიზნით მოდულებზე დაიშვებიან მოდულის წინაპირობის/წინაპირობების დაძლევის გარეშე.

სსსმ და შშმ პირს დაწესებულება სთავაზობს ინდივიდუალურ სასწავლო გეგმას, რომელშიც გათვალისწინებულია პირის სპეციალური საგანმანათლებლო საჭიროებები. ინდივიდუალური სასწავლო გეგმა ითვალისწინებს სსსმ და შშმ პირებისთვის სწავლა-სწავლების, შეფასების, სასწავლო ინსტრუქციების, საგანმანათლებლო რესურსების ადაპტაციას, სათანადო ფორმებისა და პირობების შეთავაზებით.

ინდივიდუალური სასწავლო გეგმის შედგენის საჭიროება შესაძლოა განისაზღვროს მაშინ, როდესაც, სსსმ /შშმ პირი სწავლობს პროფესიულ საგანმანათლებლო პროგრამაზე, მაგრამ ვერ აღწევს მოდულით განსაზღვრულ სწავლის შედეგებს - შესაბამისი პროგრამის პროფესიული განათლების მასწავლებლები სასწავლო პროცესის მართვის სამსახურის ჩართულობით ახდენენ პირზე/პროცესზე დაკვირვებასა და შეფასებას, შესაბამისი კითხვარების მეშვეობით, რომელიც მოგვეწოდება სსსმ და შშმ პირთა მხარდამჭერი გუნდის კონსულტირებით. ამ ყველაფრის შედეგად სსსმ პირებისთვის შესაძლებელია განხორციელდეს მოდულების ადაპტაცია. ამ შემთხვევაში იცვლება სწავლის შედეგები შინაარსობრივად ან რაოდენობრივად, რაც გამორიცხავს სტანდარტული კვალიფიკაციის მინიჭებას. შესაბამისად, კოლეჯი გასცემს სერტიფიკატს და სერტიფიკატის დანართს კანონმდებლობით დადგენილი წესით.

პროფესიული საგანმანათლებლო პროგრამით განსაზღვრული კრედიტები სსსმ და შშმ პირს ენიჭება მხოლოდ შესაბამისი სწავლის შედეგების დადასტურების შემთხვევაში, ხოლო კვალიფიკაციისთვის უნდა დააგროვოს პროფესიულ საგანმანათლებლო პროგრამაში განსაზღვრული მოდულებით გათვალისწინებული კრედიტები, მიიღოს მონაწილეობა შუალედურ შეფასებაში და ჩააბაროს საკვალიფიკაციო გამოცდა.



პარტნიორი ორგანიზაციები



სტუდენტური სერვისები

სასწავლო პროცესი - გასცემს ინფორმაციას და უწევს კონსულტაციას რეგისტრაციის, ჩარიცხვის, სასწავლო პროცესის ორგანიზების, პრაქტიკების, შეფასების საორგანიზაციო და სხვა მნიშვნელოვან საკითხებზე.

საქმისწარმოების სპეციალისტი - გასცემს ცნობებს, საჭირო დოკუმენტაციას პროფესიული სტუდენტის სტატუსის, აკადემიური მოსწრების შესახებ და სხვ.



ბიბლიოთეკარი - გასცემს ბიბლიოთეკაში განთავსებულ, მოდულების მიხედვით მითითებული ყველა სასწავლო ლიტერატურას, რაც ხელმისაწვდომია ნაბეჭდი ან/და ელექტრონული ფორმით.

IT სერვისები - კოლეჯის პროფესიულ სტუდენტებსა და მსმენელებს შეუძლიათ ისარგებლონ კომპიუტერული ტექნიკითა და უსადენო ინტერნეტით.

საკონსულტაციო მომსახურება:

- პროფორიენტაცია და კარიერის მართვა
- პროფესიულ საგანმანათლებლო პროგრამაზე/პროფესიული მომზადების პროგრამაზე/პროფესიული გადამზადების პროგრამაზე ჩარიცხვის პროცედურები
- დასაქმების ხელშეწყობა
- სასწავლო პროცესთან დაკავშირებული საკითხები
- ექსტრაკულისკურული აქტივობები
- ადმინისტრაციული საკითხები
- უსაფრთხოება
- სხვა საკითხები, საჭიროების მიხედვით

პრაქტიკული მეცადინეობები



სასწავლო ექსკურსიები



ჩვენი პროგრამები





ფარმაცია

მისანიჭებელი კვალიფიკაცია ქართულ და ინგლისურ ენაზე - უმაღლესი პროფესიული კვალიფიკაცია ფარმაციაში / Higher Vocational Qualification in Pharmacy.

საგანმანათლებლო პროგრამის მიზანია, ჯანდაცვის სფეროსთვის უზრუნველყოფს კონკურენტუნარიან კადრის აღზრდას, რომელიც შეძლებს ფარმაცევტული და პარაფარმაცევტული პროდუქციის მიღების-განთავსების, აღწერის, პარაფარმაცევტული პროდუქციის შერჩევა-მიწოდების პროცესში მონაწილეობას, ნაშთების პერიოდულ კონტროლს, მცირე შეფუთვებად მზა წამლის ფორმის დაფასოებას, რეცეპტის მიხედვით წამლის მომზადებას და ურეცეპტოდ გასაცემი ფარმაცევტული პროდუქციის რეალიზაციას.

საგანმანათლებლო პროგრამა მოიცავს 3 ზოგად მოდულს, ჯამური 11 კრედიტის მოცულობით და 26 პროფესიულ მოდულს, ჯამური 109 კრედიტის მოცულობით, ასევე, ერთ არჩევით მოდულს 3 კრედიტის მოცულობით.

იმ პირებისთვის, რომელთაც უდასტურდებათ ქართული ენის კომპეტენცია

კრედიტების მოცულობაა 123. სწავლების სავარაუდო ხანგრძლივობა: 22 სასწავლო თვე

იმ პირებისთვის, რომელთაც არ უდასტურდებათ ქართული ენის კომპეტენცია კრედიტების მოცულობაა 153.

შესაბამისი სწავლის შედეგების გავლის შემდეგ კურსდამთავრებულს შეუძლია:

1. შეამოწმოს პროდუქცია ვიზუალურად;
 2. დაადგინოს თანხმობა დოკუმენტაციასთან იგივეობა;
 3. შეამოწმოს სასაქონლო ნიშნები და რაოდენობა;
 4. განათავსოს პროდუქცია სათანადო ადგილზე;
 5. ჩაატაროს სააფთიაქო ნაშთის შემოწმავალი, პერიოდული, საბოლოო კონტროლი;
 6. განახორციელოს ორიგინალური შეფუთვის მცირე შეფუთვებად დაფასოება, შეფუთვა, მარკირება;
 7. მოამზადოს რეცეპტის მიხედვით სითხოვანი, მყარი და რბილი სამკურნალწამლო ფორმები;
 8. გაითვალისწინოს მომხმარებელთან ურთიერთობისას ფარმაცევტული ეთიკის და დეონტოლოგიის პრინციპები;
 9. განახორციელოს მომხმარებლისათვის სასურველი პროდუქციის შერჩევა-მიწოდება, კონსულტაციის გაწევა პარაფარმაცევტული პროდუქციის მიღების, გამოყენების და შენახვის პირობების შესახებ;
 10. განახორციელოს ურეცეპტოდ გასაცემი ფარმაცევტული პროდუქციის რეალიზაცია;
 11. განახორციელოს ანგარიშის მომზადება-ჩაბარება პროდუქციის მიღების, ნაშთის პერიოდული შემოწმების, ექსტემპორალური სამკურნალწამლო ფორმების მომზადების, მცირე შეფუთვებად სამკურნალწამლო ფორმების დაფასოების შესახებ;
 12. დაიცვას სანიტარიულ-ჰიგიენური ნორმები, გარემოსა და უსაფრთხოების წესები.
- კვალიფიკაციის მინიჭება

პროგრამის განხორციელების ადგილი: ქ. თბილისი/ქ. თელავი



საექთნო განათლება

მისანიჭებელი კვალიფიკაცია ქართულ და ინგლისურ ენაზე - უმაღლესი პროფესიული კვალიფიკაცია საექთნო საქმეში/ Higher Vocational Qualification in Nursing

პროგრამის მიზანია უზრუნველყოს ადგილობრივ და საერთაშორისო ბაზარზე კონკურენტუნარიანი, ზოგად მოვლაზე პასუხისმგებელი ექთნის მომზადება.

დაშვების წინაპირობა

სრული ზოგადი განათლება

დასაქმების სფერო და შესაძლებლობები საექთნო საქმეში

კვალიფიკაციის მფლობელს შეუძლია დასაქმდეს ჯანდაცვის სფეროში, სხვადასხვა პროფილის სამედიცინო დაწესებულებებში, შინმოვლის სფეროში, სხვა ტიპის ორგანიზაციებში, რომლებიც საჭიროებს საექთნო მომსახურებას.

პროგრამის სტრუქტურა

პროფესიული საგანმანათლებლო პროგრამა ითვალისწინებს 180 კრედიტის რაოდენობის ზოგად და პროფესიულ მოდულებს. ზოგად მოდულთა კრედიტების რაოდენობა შეადგენს 9 კრედიტს, ხოლო პროფესიული მოდულების კრედიტების რაოდენობა კი 171. საექთნო საქმეში კვალიფიკაციის მინიჭებისთვის პროფესიულმა სტუდენტმა უნდა დააგროვოს არანაკლებ 180 კრედიტი ჯამში.

შესაბამისი სწავლის შედეგების გავლის შემდეგ კურსდამთავრებულს შეუძლია:

1. შეაფასოს პაციენტის ჯანმრთელობის მდგომარეობა
2. განახორციელოს თერაპიული პაციენტის საექთნო მართვა
3. განახორციელოს ქირურგიული პაციენტის საექთნო მართვა
4. განახორციელოს გადაუდებელი პაციენტის საექთნო მართვა
5. განახორციელოს კრიტიკულ მდგომარეობაში მყოფი პაციენტის საექთნო მართვა
6. განახორციელოს პერიოპერაციული პაციენტის საექთნო მართვა
7. განახორციელოს სამეანო და გინეკოლოგიური პაციენტის საექთნო მართვა
8. განახორციელოს პედიატრიული პაციენტის საექთნო მართვა
9. განახორციელოს და უზრუნველყოს შინმოვლის მომსახურების განევა
10. განახორციელოს და უზრუნველყოს გერიატრიული პაციენტის საექთნო მართვა
11. დაგეგმოს და განახორციელოს საკუთარი პრაქტიკისა და მოვლის ხარისხის შეფასება. სწავლის შედეგების მიღწევის დადასტურება და კრედიტის მინიჭება

კვალიფიკაციის მინიჭება

კვალიფიკაციის მოსაპოვებლად სტუდენტმა უნდა დააგროვოს პროფესიულ საგანმანათლებლო პროგრამაში განსაზღვრული მოდულებით გათვალისწინებული კრედიტები, მიიღოს მონაწილეობა შუალედურ შეფასებაში და ჩააბაროს საკვალიფიკაციო გამოცდა.

პროგრამის განხორციელების ადგილი: ქ. თბილისი/ქ. თელავი



აღმზრდელი

მისანიჭებელი პროფესიული კვალიფიკაცია

„უმაღლესი პროფესიული კვალიფიკაცია სკოლამდელ აღზრდაში/Higher Vocational Qualification in Preschool Education“.

აღმზრდელის პროფესიული საგანმანათლებლო პროგრამის მიზანია კვალიფიციური კადრის მომზადება, რომელიც შეძლებს ადრეულ და სკოლამდელ ასაკში ბავშვზე ზრუნვას, მის აღზრდასა და განვითარებას. ამ მიზნებისთვის აღმზრდელმა უნდა უზრუნველყოს უსაფრთხო და განმავითარებელი სააღმზრდლო გარემო და ამ პროცესში შეძლოს ბავშვის ოჯახთან, ადრეული და სკოლამდელი აღზრდისა და განათლების დაწესებულების კოლექტივთან, სფეროს წარმომადგენლებთან კომუნიკაცია და საკუთარ პროფესიულგანვითარებაზე ზრუნვა.

დაშვების წინაპირობა

სრული ზოგადი განათლება

კურსდამთავრებულთა კარიერული შესაძლებლობები:

პროგრამის დასრულების შემდეგ პირს შეუძლია დასაქმდეს აღმზრდელის პოზიციაზე, ასევე იმუშაოს თვითდასაქმებით, აღმზრდელად.

მოცულობა: 146 კრედიტი

სავარაუდო ხანგრძლივობა: 26 სასწავლო თვე

იმ პირებისთვის, რომელთაც უდასტურდებათ ქართული ენის კომპეტენცია მოცულობა: 116 კრედიტი სავარაუდო ხანგრძლივობა: 21 სასწავლო თვე

„აღმზრდელის“ პროფესიული საგანმანათლებლო პროგრამის მოცულობაა 116 კრედიტი. აქედან ზოგადი მოდულების ჯამური კრედიტების რაოდენობაა 11, ხოლო სპეციალიზაციის პროფესიული/დარგობრივი მოდულებისა - 105.

შესაბამისი სწავლის შედეგების გავლის შემდეგ კურსდამთავრებულს შეუძლია: წარმატებული, უსაფრთხო, მხარდამჭერი სააღმზრდლო გარემოს შექმნა.

პროგრამის განხორციელების ადგილი: ქ. თბილისი/თელავი



საფინანსო სერვისები

მისანიჭებელი კვალიფიკაცია ქართულ და ინგლისურ ენაზე

საბაზო პროფესიული კვალიფიკაცია საფინანსო სერვისებში / Basic Vocational Qualification in Finance Services

პროგრამის მიზანია, უზრუნველყოს ისეთი პროფესიული პროგრამის დანერგვა, რომელიც მოამზადებს კვალიფიციურ საფინანსო სერვისების პერსონალს, რომელიც შეძლებს სხვადასხვა ტიპის საფინანსო მომსახურების გაწევასა და მომხმარებლის საფინანსო სერვისებთან დაკავშირებულ ინფორმირებას. ასევე, საფინანსო სერვისების პროგრამის დანერგვა-განხორციელების ხელშეწყობა.

დაშვების წინაპირობა/წინაპირობები

- საბაზო განათლება
- არანაკლებ 17 წელი

დასაქმების სფერო და შესაძლებლობები

საფინანსო სერვისებში საბაზო პროფესიული კვალიფიკაციის მფლობელს შეუძლია დასაქმდეს სხვადასხვა სავაჭრო ობიექტების მოლარედ, მათ შორის - ბილეთების გაყიდვების სალაროებში; ბანკებსა და არასაბანკო საკრედიტო - საფინანსო დაწესებულებებში მოლარისა და ოპერატორის პოზიციებზე, ასევე ნივთების დაგირავებითა და ფულადი თანხების გაცემით დაკავებული აგენტებისა და ბუკმეკერების პოზიციებზე.

პროგრამის სტრუქტურა:

პროფესიული საგანმანათლებლო პროგრამა მოიცავს 6 ზოგად მოდულს - ჯამური 17 კრედიტის მოცულობით და 13 პროფესიულ მოდულს 35 კრედიტის მოცულობით. საფინანსო სერვისებში საბაზო პროფესიული კვალიფიკაციის მისანიჭებლად პროფესიულმა სტუდენტმა უნდა დააგროვოს ჯამურად 52 კრედიტი.

იმ პირებმა, რომლებსაც არ უდასტურდებათ ქართული ენის კომპეტენცია, უნდა დააგროვონ ჯამურად 67 კრედიტი. სწავლების სავარაუდო ხანგრძლივობა - 12 თვე

იმ პირებმა, რომლებსაც უდასტურდებათ ქართული ენის კომპეტენცია, უნდა დააგროვონ ჯამურად 52 კრედიტი. სწავლების სავარაუდო ხანგრძლივობა - 9 თვე

შესაბამისი სწავლის შედეგების გავლის შემდეგ კურსდამთავრებულს შეუძლია:

1. აწარმოოს ნაღდი და უნაღდო ანგარიშსწორება სავაჭრო ობიექტებში
2. აწარმოოს ნაღდი და უნაღდო ანგარიშსწორება საბანკო დაწესებულებებში
3. განახორციელოს სალარო და საბანკო ოპერაციები
4. შესთავაზოს კლიენტებს საბანკო პროდუქტები
5. ეფექტურად მოემსახუროს კლიენტებს. კვალიფიკაციის მინიჭება

პროფესიული კვალიფიკაციის მინიჭება

სტუდენტმა უნდა დააგროვოს პროფესიულ საგანმანათლებლო პროგრამაში განსაზღვრული მოდულებით გათვალისწინებული კრედიტები, მიიღოს მონაწილეობა შუალედურ შეფასებაში და ჩააბაროს საკვალიფიკაციო გამოცდა

პროგრამის განხორციელების ადგილი: ქ. თბილისი/ქ. თელავი



ინფორმაციის ტექნოლოგია

მისანიჭებელი კვალიფიკაცია ქართულ და ინგლისურ ენაზე

საბაზო პროფესიული კვალიფიკაცია ინფორმაციის ტექნოლოგიის მხარდაჭერაში / Basic Vocational Qualification in Information Technology Support.

ინფორმაციის ტექნოლოგიის მხარდაჭერის პროფესიული პროგრამის მიზანია, მოამზადოს პერსონალური კომპიუტერის აპარატურული და პროგრამული უზრუნველყოფის კვალიფიცირებული სპეციალისტი, რომელიც ფლობს აპარატურული უზრუნველყოფისა და ოპერაციული სისტემების დაყენების, განახლების, დაზიანებების აღმოფხვრის, ოპტიმიზაციის, დიაგნოსტიკისა და მომსახურებისათვის საჭირო სპეციალურ ტექნიკურ უნარ-ჩვევებს; აქვს სფეროსათვის დამახასიათებელი ძირითადი ფაქტების, პრინციპების, პროცესებისა და ზოგადი კონცეფციების ცოდნა და აცნობიერებს გართულებული ამოცანების შესასრულებლად აუცილებელ ნაბიჯებს.

დაშვების წინაპირობა

საბაზო პროფესიული კვალიფიკაციისათვის - საბაზო განათლება.

დასაქმების სფერო და შესაძლებლობები

ინფორმაციის ტექნოლოგიის მხარდაჭერის საბაზო პროფესიული კვალიფიკაციის მფლობელს შეუძლია დასაქმდეს ტექნიკური მხარდაჭერის სპეციალისტად ნებისმიერ სახელწიფო/მუნიციპალურ ორგანიზაციაში ან/და კერძო კომპანიაში, სადაც გამოიყენება ინფორმაციული ტექნოლოგიები.

პროგრამის სტრუქტურა

ინფორმაციის ტექნოლოგიის მხარდაჭერის საბაზო პროფესიული კვალიფიკაციის მისანიჭებლად პროფესიულმა სტუდენტმა უნდა დააგროვოს ჯამურად 61 კრედიტი, რომელთაგან 17 კრედიტი არის ზოგადი მოდულები, 31 კრედიტი არის საერთო სავალდებულო პროფესიული/დარგობრივი მოდულები, 13 კრედიტი არის პროფესიული/დარგობრივი მოდულები.

იმ პირებმა, რომლებსაც არ უდასტურდებათ ქართული ენის კომპეტენცია, ინფორმაციის ტექნოლოგიის მხარდაჭერის საბაზო პროფესიული კვალიფიკაციისთვის უნდა დააგროვონ ჯამურად 76 კრედიტი. სწავლების სავარაუდო ხანგრძლივობა - 14 თვე

იმ პირებმა, რომლებსაც კვალიფიკაციისთვის უნდა დააგროვონ ჯამურად 61 კრედიტი. სწავლების სავარაუდო ხანგრძლივობა - 11 თვე

შესაბამისი სწავლის შედეგების გავლის შემდეგ კურსდამთავრებულს შეუძლია:

1. ააწყოს და დააკომპლექტოს პერსონალური კომპიუტერი;
2. დაამონტაჟოს პერიფერიული მოწყობილობები;
3. დააინსტალიროს და გამართოს ოპერაციული სისტემი;
4. დააინსტალიროს გამოყენებითი პროგრამული უზრუნველყოფა;
5. უზრუნველყოს ოპერაციული სისტემის უსაფრთხოება;
6. განასხვავოს ქსელების ფუნდამენტური პრინციპები და ტიპები;
7. გაარჩიოს ქსელში ინფორმაციის მიმოცვლის მოდელების (TCP/IP, OSI) შრეები და ამ შრეებზე მომუშავე პორტები და ოქმი;
8. გამართოს მარტივი სადენიანი და უსადენო შიდა ქსელი;
9. შეაფასოს აპარატურული და პროგრამული რისკები და განსაზღვროს პრევენციული ზომები;
10. მოახდინოს აპარატურული და პროგრამული პრობლემის იდენტიფიცირება და აღმოფხვრას გაუმართაობა.

კვალიფიკაციის მინიჭება

კვალიფიკაციის მოსაპოვებლად პროფესიულმა სტუდენტმა უნდა დააგროვოს პროფესიულ საგანმანათლებლო პროგრამაში განსაზღვრული მოდულებით გათვალისწინებული კრედიტები, მიიღოს მონაწილეობა შუალედურ შეფასებაში და ჩააბაროს საკვალიფიკაციო გამოცდა.

პროგრამის განხორციელების ადგილი: ქ. თბილისი

სტუდენტური ცხოვრების ამსახველი ფოტოები



სტუდენტური ცხოვრების ამსახველი ფოტოები



შპს საზოგადოებრივი კოლეჯი ფანასკერტელი

მოდით, ისწავლეთ, დასაქმდით!



დაგვიკავშირდით:

ქ. თბილისი: გ.ზაზიაშვილის ქ. 1
ტელ: 568402020

ქ. თელავი: ლესელიძის ქ. 1
ტელ: 593161635

info@fanaskerteli.edu.ge

www.fanaskerteli.edu.ge



COLLEGE.PANASKERTELI